

Sicque completum est. Post idem Raginaldus acceptis 20 solidis canonicis tradidit eos. Videns interea Raginaldus oblationem ecclesie deficere cottidie, timens in orrendum Domini iudicium incidere, et quod sibi parum prodesset, et quia verecundiam inde multoties passus esset, accepto et invento salubri consilio, suam custodiam et partem ecclesie coram clero et populo in manu episcopi refutavit, acceptis inde a canonicis libris 45 ex lucensibus denariis. Tunc prefatus episcopus privilegio facto eam canonicis concessit eo tenore, ut canonici semper in cena Domini oleum pro chrisma et oleum pro exorcismis et oleum pro infirmis darent et lampadam ardentem omni nocte ante altare S. Donati et corrigias linguas campanarum et funes ad campanas minores sonandas et ceræ 20 libras similiter, quam Raginaldus sibi consueverat dare. Postea episcopus acceptis a canonicis 4 libris denariorum lucensium per scriptum predictam ceram illis concessit, quattuor libris pretermisissis, quas ipse episcopus Gerardo primicerio dederat. Deinde canonicis 10 solidos primicerio dantibus, illis concessit suam partem cere. Revertente autem Berardo clerico filio ipsius Raginaldi de scholis, coepit ex hoc indignari et infringere factum patris voluit. Dicebat se ab episcopo investitum de eadem ecclesia, quando est factus clericus. Canonici autem videntes astutiam Berardi et calliditatem Raginaldi, pro pace adiunxerunt eis 10 libras lucensium denariorum. Iterumque ab patre et ipso filio receperunt scriptum cum omni definitione ecclesie et de aliis causis, quibus contra eos agere videbantur, sicut in eorum scripto legitur. Sed et ipsi canonici omnia cum pace habere volentes, adquisierunt altaria, que erant in ea ecclesia, a nepotibus Briguli et Ildibrandi, quorum avibus (!) Cucius dederat et a Guinigildo filio Gizi Teuzi. Ildibrando, filio Cani, nepoti Ildibrandi, pro sua parte altaris S. Johannis dederunt octo solidos. Filius Rusticelli consobrinus illius suam partem eiusdem altaris dedit ipsis canonicis pro anima sui patris. Nepotibus Briguli Teuderico et Bosoni dederunt 13 solidos. Inter altare S. Lucie et letanias de Gropina dederunt Guinigildulo 13 solidos.

Nunc de confessione, quam pretermisimus, que est sub altare sancte Marie, prout Dominus donaverit, veritatem dicamus. Denique, sicut prefati sumus, predicti pontifices tres partes de altare confessionis similiter clericis dederunt, id est Gebizoni presbitero filio Peci et Bosoni clerico filio Ropulti, quem secum Helpertus episcopus conduxit, et Viventio clerico filio Johannis Ati. Gebizo presbiter non habens filium sed filias, unam ex illis Teuza nomine Griffoni notario in domo sua in coniugium dedit cum sua parte illius altaris et cum omnibus terris suis. Ex qua natus est Ildibrandus, qui accipiens quindecim solidos dedit eam canonicis. De Bosone geniti sunt